

Il raig u la regina dals amulains

$$7 \times 13 = 91$$

7 x 19 = ... 5 x 13 = ... 4 x 9 = ... 8 x 15 = ... 3 x 16 = ...

Quaunt svelt saun Els ed Ellas il resultat da quists amulains? Vain la resposta scu la sajetta u drouvan Els ün mumaintin? Ils bgers dals scolars e da las scolaras da S-chanf tuochan tar la prüma categoria. Daspö püssas eivnas s'haun els nempe dedichos als amulains (2a fin 6evla classa) u a las adiziuns e subtracziuns (1a classa).

Ils RAPS (cun ä, na la munaida) dals amulains

Scolars e scolaras da la 5 e 6evla classa haun scrit düraunt ils mais d'inviern RAPS dals amulains. Minchün e minchüna ho survgnieu la lezcha da scriver il text per ün u eir püs amulains, pitschens e grands. Important eira s'inclegia la rima, il flüss dal RAP e natürelmaing cha'ls resultats sajan corrects.

In gövgia, ils 27 meg 2021 vainsa registro ils RAPS. Üna lavur chi ho düro tuottadi. Accumpagno ils RAPS cul clavazin ho Simon Gabriel. Per cha nu sajan memma bgers, vains gieu per mincha RAP gruppettas da fin a 10 persunas. Da chatter sun ils RAPS sün nos [chanel da youtube](#). Ch'Els indateschan *Scoula S-chanf*, alura paun Els tadler e guarder ils RAPS ed eir sequenzas da differentes teaters cha nossa scoula ho preschanto ils ans passos.

E chi so, tadland püssas voutas ün dals RAPS, sgür cha'ls resultats dals amulains vain eir tar Els (darcho) scu üna sajetta.

The screenshot shows the YouTube channel page for 'Scoula S-chanf'. The channel has 7 subscribers. The video player shows a scene with a person playing a flute. Below the player, there are navigation tabs for 'ÜBERSICHT', 'VIDEOS', 'PLAYLISTS', 'KANÄLE', 'DISKUSSION', and 'KANALINFO'. The 'Uploads' section is active, displaying a grid of video thumbnails with titles and view counts:

Video Title	Duration	Views	Time Ago
Pësch da la saira 2015	9:12	2	Auftrufe - vor 2 Tagen
Amulain da 7	1:38	14	Auftrufe - vor 5 Tagen
Amulain da 5	1:45	24	Auftrufe - vor 5 Tagen
Amulain da 18	1:47	21	Auftrufe - vor 5 Tagen
Amulain da 3	1:47	18	Auftrufe - vor 6 Tagen
Amulain da 17	1:33	19	Auftrufe - vor 1 Woche

$$9 \times 15 = 135$$

$$3 \times 18 = 54$$

Il raig u la regina dals amulains

In **venderdi**, ils **11 gün 2021** ho alura gieu lö **la concorrenza** per eruir chi chi'd es il **raig** u la **regina dals amulains** da mincha classa. Ad es gnieu treno a scoula ed a chesa. Tals üns ün pô dapü, tals oters ün pô pü poch e forsa püchöntschi pür vers l'ultim. Frütto ho que però in mincha cas tar minchün e minchüna.

La 1a fin 4a classa ho eruieu lur raig u regina cun quints cha'ls iffaunts vaivan da **schoglier sün ün fögl** e resguardand il temp. S'inclegia cha'ls resultats vaivan dad esser eir corrects.

La 5 e 6evla classa ho eruieu lur raigs u reginas cun üna **concorrenza a buocha**. Adüna ün scolar u üna scolara ho gieu da giuver cunter ün oter. Il vandscheder es rivo i'l finel. S'inclegia cha tar quista varianta s'ho dad **avoir la gnierva da fier** u/e savair ils amulains sü per la daunta. Mincha resultat fos chaschuna nempe ün punct minus e scha s'es memma prudaint po que esser cha la conscolara disch il resultat quel mielin pü svelt.

Tar tuot las classas vainsa gieu iffaunts sülla seguonda u terza piazza chi manchaiva be poch per gnir onuros cul titul dal raig u la regina dals amulains. Ün oter di, ün oter mumaint vess que tenor do ün oter resultat.

Sainza dubi pudainsa però confermer cha vainsa pudieu eruir per quist an tschinch raigs e reginas dals amulains ed ün raig da plus e minus, ma cha a tuot ils oters pudainsa surder il **titel dal dücha** e la **düchessa dals amulains**. Minchün ho nempe fat ün grand progress cun savair ils amulains u fer ils quints a cho da plus e minus ed es dvanto bainquaunt pü svelt. Bravo!



Il raigs e las reginas dals amulains da l'an 2021 haun purto lur curuna perfin auncha sül viedi vers chesa. Da schnestra a dretta: Jade Bernasconi (6evla), Jodie Sobeck (5evla), Robin Pinggera (4a classa), Ulysses Caratsch (3a classa), Ezio Fontana (2a classa) e Luca Berner (1a classa).

Qualche assegs da noss RAPS

Amulain da 19

1 x 19 chi es il nouv
quel ho da savair que do **19**

2 x 19 que es **38**
que gusta bain scu ün finuoch

3 x 19 - taidla nos rap
alura sest **57**

4 x 19 es **76**
la cifra misteriusa, uossa sest

5 x 19 es **95**
que nun es ne tort ne schlinch

6 x 19 es **114**
bain simpelet, nu gnir a stordscher

7 x 19 es **133**
que es la vardet, nu garder uschè tais

8 x 19 (sbuziglier) eau tuoss
il resultat es **152**

9 x 19 es **171**
que es bain cler, que so minchün

10 x 19 es **190**
schi, que es ün quint dal trenta

uossa sest l'amulain da 19
tü est scort e na ün bouv

Felici Defila, 6evla classa, meg 2021

$$3 \times 19 = 57$$

Amulain dad 8

1 x 8 es **8**, bain cler

2 x 8 es **16** nu schmancher

3 x 8 es **24**
il listess scu 6×4

4 x 8 que so minchün
que do **32** e sgür na 31

5 x 8 que do **40**
eau nu't quint sgür na pulenta

6 x 8 do **48**
cun stüdger nu chaver muoch

7 x 8 es **56**
uossa stust fer giò il nes

8 x 8 do **64**
que am fo propi gnir a sbatter

9 x 8 do **72**
plaunet at laschi sgür cun pos

10 x 8 que do **80**
que es il dobel da 40

l'amulain dad 8 sest uoss'eir tü
e l'imprender nu stust pü

Flurin Thoma, 5evla classa, meg 2021

$$5 \times 9 = 45$$

$$9 \times 8 = 72$$